

Pɔl saba kaplāŋ Filemu ye

Syaha fla

¹ Ndoos Pɔl kē, tē saba nwo yrūhū, ndoo tesē wo cīifua Timuti ne. Pe ndoo Pɔl tā nwompihi wo Yesu Crise tēn wīi na.

Wo u saba yrūhū nɔ wāā mboo Filemu kē, mboo wii raa ma wo naambiyā, ma maha ma wo tēntēwai.

² Mboo, ma suhu Yesu kāndeyārfa mpāy bye ne pe pe ya wāā ma kaha wo, ma suhu wo syafua Yāpya ne, ma suhu Arisyipe ne, woo wii u tēn tē wo ne Yesu Crise kē.

³ N le nar Yāhā ye, tesē ke Dya Yesu Crise ne, ke kayīi pye ye kē, ke maha laanyīn wāā ye kē.

Filemu troho wātāhā Yesu kānde wo

⁴ Filemu, ma wīi gboho ra laam wo. Yalebye n ma nii n pāā Yāhā ye, n ne laa yāā ma wīi na n pāā ke ye, tē syaha wāā ke kē loo wīi na.

⁵ Pe ba ma wīi pāā ra ye ma yee, a Yesu kāndeyārfa bye ntāŋ dye ma tāy cīinde, a raa maha Yesu sron ta ma Yater. Koo kē n syaha wāā Yāhā kē.

⁶ Taa Yesu ta ma Yater wo n wāā le, n le nar Yāhā ye, ke waha ta Yesu myaha n gboho, kayūhū nkāy bye Yesu tuu n pye wo kē, ma n waha ke cā naa n yō.

⁷ Taa ta Yesu kãndeyãrfa bye ntãŋ n sron dye ma tãy, loo nde pe laam yĩn yalebye. Le nii ra ye nuhu wĩĩ, ma maha fãnga gaa taha ra na.

Pɔl Filemu nar u yãmpuai Wonasyimu wĩĩ na

⁸⁻⁹ Taa nwo, Yãhã ntãŋ sron dye gboho ma tãy, koo syi kē, n ga ma nar laa ne. Le yõ ma maha sron Yãhã ye Yesu kãnde na. Too mii, wo wĩĩ n tãy wii ye, n saha yee ma le pye ra kē fãnga na ye. N ga ma nar wãnar le ne, ndoo wii n ma wãdyaha Yesu kãnde na, ndoo wii pe yigi tã nwompihi laam wo ma yee, tē tee n yãr Yesu Crise kãnde wo, ma nii u kapãn pãã nawee- ye.

¹⁰ Wo dya Wonasyimu wĩĩ ne tē ga ma nar. Nwompihi nge laam wo, Wonasyimu dye Yesu kãnde wo. Loo nde na, n ga waha u yee ra dya.

¹¹ Faale na, u sē pye ngaa ma ye ye. Yagaa, u ga waha laa yõ wo bye kē, ndoo tesē mboo ne.

¹² N ga u nɔ wãã ma kē. Yagaa, taa -sē cã ma yee, u wĩĩ gboho ra laam wo, u ma mii ndoo ge kadye dyaŋ.

¹³ N ma ne pye n ga waha ne tyii u na nii tãy, ke nwompihi wo nwo, u n naa koho le ra ye tēŋ nkãy wo ma draha wo, le ga ne tãy ra ye.

¹⁴ N le wũũ ma yãã, n sē yai n kai pye ma kur ye mii ma sē yer le na ye. N sē maha n ke ma kayĩ pye ra kē fãnga na ye. N n yãŋ, ma'a ga kayĩ pye ra kē, le -sē pye ma laam wĩĩ.

¹⁵ Ncã, laa na Yãhã ke le ta ma yee, u Wonasyimu u fã ter ma yaha u ga yalaa pye, tuu maha dur ba yi ma na, ye n nii yii ne.

¹⁶ Ma sē yãã, Wonasyimu u ma na yagaa, u puar yãmpuai na. U sē n tōr ge tōr yãmpuai ne

nantāŋ ye. U sroŋ ma wo cīinde nampyeŋ Yesu kānde wo. U wīi sroŋ gboho ndoo ye. U wīi yai le nii ma bya ye koo syi, le sya ter ra wīi yaha. U ma ma yāmpuai, ma maha ma ma cīinde nampyeŋ Yesu kānde wo.

¹⁷ Ke ma pye n ma ma naambiyā cīinde, taa ne ga ndoo gε yigi mii, u yigi ke syi!

¹⁸ Ke ma pye u laa pye ma na, ke ma maha pye u fue syi gbe ma ye, le ta ra yīŋ wīi. N ga ke draha dur ma kē, ma'a n naa ntāŋ cer ye.

¹⁹ Ndoo Pɔl kē tē u saba yrūhū. N ga ke bye dur ma kē. -Taa -sē cā mii ndoŋ, tē lii pye ter ma kē, le ter ma yrā yaha.

²⁰ Āwā, ma'a wo Yīŋfua yāŋ, ma ra laam wīi nde pye ra kē, le ga tāy ra ye, le ra laam yīn.

²¹ Lii tē nar ma ye nde saba nwo wo nanga, n cā ma n gaha le pye ra yor wo, le n sya ta ter koo yaha.

²² Taa maha naa syāsaha gbihi ra kē, ta laam wo n le ga ma yee, Yāhā ga ba luhu ye wānar ye, ke ra yi yaha ye kē.

Syaha fla

²³ Yepafarsyi wii u ma ra ne nwompihi wo nwo Yesu Crise wīi na, u syaha ma ma ye.

²⁴ Mareke ye bya ne, ma suhu Arisarke ne, Demasu ne, Luke ne, poo mpāy pe ma ra tētēwai, pe bye ma syar.

²⁵ Wo Yīŋfua Yesu Crise, u kaa taha ye na.

YĀHĀ NAAMBIYĀRFĀN SABA
Karaboro, Eastern: YĀHĀ NAAMBIYĀRFĀN SABA
New Testament

copyright © 1993 Wycliffe Bible Translators, Inc.

Language: Eastern Karaboro

Contributor: WBT Central Zone

All rights reserved.

2020-11-17

PDF generated using Haiola and XeLaTeX on 18 Apr 2025 from source
files dated 29 Jan 2022

15120496-00e2-503a-8d40-2d7cfdc1ba5b